



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt IIII. Testimoniis veterum superioris capit is doctrina comprobatur.

[urn:nbn:de:hbz:466:1-46059](#)

Abraham, Deus Isaac & Iacob, in quibus viris totum Israël semen intelligitur, non secundum carnem, sed secundum fidem. Etenim ex hominibus sanctis, humilibus, fidelibus, cognoscitur Deus: quos euidetibus signis, sua protectione defendit. Vnde & Ioannes ait:

*Videlicet Augustinus
Psalms. 134,
& in Canonico
canto Ioannis.*

Qui est in charitate, hic nouit Deum, quia Deus caritas est. proinde qui nouit in se charitatem, hic Deum nouit ex eo munere per quod Deo efficitur similis. Dissimilitudo enim facit, ut Deum non norimus, per hoc verò facillime cognoscimus, per quod Deo similiores efficiuntur. Quid igitur aptius ad noscendum sequendumq; Deum, quam Dei filius, homo factus, in eaque natura Deo simillimus, propter excellentem modis omnibus charitatem?

CAPUT IIII.

Testimonii veterum superioris capituli doctrina comprobatur,

Athanasius.

NE verò tantis de rebus rationes ipsi fixisse, ac prout nostra ferebat opinio, cōmenti aliquid esse videamus; liber veterum quoq; testimonia subiugere, quibus illa hauriuntur. Scribit igitur Athanasius in eo libro qui est de incarnatione Verbi, hunc in modum;

Quoniam verò & idolorum vesanus cultus, & impie-
tas lactilega, orbem continebat vniuersum, Deique
cognitio occulta erat: quisnam oro debuit orbem do-
cere de Patre? num homo? At homini possibile nō erat
orbem omnem peruagari, cūm nec per naturam ad
tantum sufficeret cursum, nec dignus cui de re tanta
crederetur haberi posset, neque aduersus fraudes atq;
fallacias per se quiret obſistere. Cunctis quippe per-
culsis animo, ac diabolica deceptione & idolorum va-
nitate turbatis; quomodo possibile fuit humanam
mentem atque animum, persuadendo ad fidem incli-
nare eius qui conspicuus oculis esse nō posset? Quem
verò quisque non vider, quo pacto is aliquem in tanta

per-

terum perturbatione, inducere ad credendum potest? Ac quibusdam interpositis: Vnde summa cum ratione Deus mortalibus prodesse cupiens, aduenit ut homo: sumens sibi corpus illis per omnia simile atque ex inferioribus: videlicet per corporis opera sese insinuauit hominibus, ut qui illum ex eius in omnia manante prouidentia & gubernatione, intelligere & scire neglexerant, vel ex operibus ab eo in carne consummati, verbum Dei agnoscerent in corpore positum, ac per ipsum etiam Patrem. Sicut enim magister optimus, discipulorum commodis cautè prospiciens, eos qui proficere ex maioribus nequeunt, per ea quæ infima sunt erudire non renuit: ita & Dei verbum fecit. sicut & Paulus ait: Quia enim in sapientia Dei non agnoscit mundus per sapientiam Deum, placuit Deo per stultitiam prædicationis, saluos facere credentes. Ad huius sententiam & diuus accedat Hilarius: cuius verba sunt, libro de Trinitate tertio: Inuisibilis & incorporeus & incomprehensibilis, utpote à Deo genitus, tantum in se materiæ & humilitatis recepit, quantum in nobis erat virtutis ad intelligendum se & sentendum & contuendum: imbecillitati nostræ potius obtemperans, quam de iis in quibus ipse erat, deficiens. Hoc sequatur datus Augustinus, cuius perspicua est & illustris eadem de re doctrina locis compluribus. & libro quidem primo de doctrina Christiana, Cùm sano, inquit, & puro interiori oculo ubique sit præsens Dei sapientia, eorum qui oculum iustum infirmum immundumque habent, oculis corporeis apparere dignata est. Quia enim in sapientia Dei non potuit mundus per sapientiam cognoscere Deum, placuit Deo per stultitiam prædicationis, saluos facere credentes. hoc est, quia ex consideratione operum Dei, quæ summa ratione & sapientia constant, non potuerunt homines Deum nosse, impediti cupiditate fruendi creatura.

tura pro creatorē: idcirco placuit Deo venire & carnem induere, ut sic salvi fierent credentes. Alio verò in loco: Non poterat, inquit, inueniri Deus ab his qui cor mundum non habebant, & Verbum apud Deum Patrem videre non poterant: nisi hoc suscipiendo quod possent videre, ut per hoc ad illud lumen interius ducerentur. Idemque tractatu tertio in Ioannem: Quia Verbum caro factū est, & habitauit in nobis; ipsa nativitate collyrium fecit, unde tergerentur oculi cordis nostri, ut possemus videre maiestatem eius per eius humilitatem. Sed & in eo libro quem scripsit de natura & gratia, cap. 20. Quemadmodum abstinere à cibo, inquit; non est substantia; & tamen substantia corporis, si omnino abstinetur à cibo, ita languescit, ita valetudinis inaequalitate corruptitur, ita exhauditur viribus, ita lassitudine debilitatur & frangitur, ut si aliquo modo perduret in vita, vix possit ad eum cibum reuocari, unde abstinentia vitiata est: sic non est substantia peccatum; sed substantia est Deus, summa quo substantia, & solus verus rationalis creaturæ cibus: quo per inobedientiam recedendo, & per inobedientiam non valendo capere quod debuit & gaudere, audiis quemadmodum dicit: Percussum sum ut fænum, & aruit cor meum, quoniam oblitus sum comedere panem meum. hoc ille quidē eo loco. unde colligendum est: cum per infirmitatem nimiam, cibum sum, hoc est, invisibilem sum huncque Deum, capere homo non posset, solidiorque esset ille cibus, quam ut nostræ infantiaz seu potius ægritudini conveniret: quidam nobis de maiestate sua & infirmitate nostra, temperasse Deum: ut quod cibus esset, medicamenti quoque vim haberet, ad educendum venenum, antiqui serpentis instillatione collectum & haustum, ex quo cibi nostri fastidio tenebamur. Quia igitur rationalis creatura, inquit idem libro tertio de libero arbitrio,

Libro 83.
Quæst. 73.

Psalm. 102.

Cap. 19.

verbo

verbo illo tanquam optimo cibo suo pascitur, humana autem anima rationalis est, quæ mortalibus vinculis peccati pœna tenebatur, ad hoc diminutionis redacta, ut per coniecturas rerum visibilium, ad intelligenda inuisibilia niteretur: cibus rationalis naturæ factus est visibilis; non commutatione naturæ suæ, sed habitu mortalitatis nostræ: ut visibilia sectantes, ad se inuisibilem reuocaret. Sicut enim anima, quem superbiens intus reliquerat, foris humilem inuenit: imitatura eius humilitatem visibilem, & ad inuisibilem altitudinem redditura. Sice eo loco. In Psalmum quoque trigesimum tertium: Nisi, inquit, Deus es, et humilis, nec manducaretur nec biberetur a nobis. Respice altitudinem ipsius. In principio erat verbum, & verbum erat apud Deum, & Deus erat verbum. Ecce cibus sempiternus: sed eum manducant angeli, manducant supernæ virtutes, manducant cælestes spiritus: & manducant & saginantur, & integrum manet quod eos satiat & lificat. Quis autem homo posset ad illum cibum? unde cor tam idoneum illi cibo? Oportebat ergo ut mensa illa lactesceret & ad parvulos perueniret: unde autem sit cibus lac? unde cibus in lac convertitur, nisi per carnem traiiciatur? nam mater hoc facit. Quod manducat mater, hoc manducat infans. Sed quia minus idoneus est infans qui panem vescatur, ipsum panem mater incarnat, & per humilitatem mamillæ & lactis succum de ipso pane pascit infantem. Quomodo ergo de ipso pane pauit nos Sapientia Dei? Quia verbum caro factum est, & habitauit in nobis. Videre ergo humilitatem: quia panem Angelorum manducauit homo, ut scriptum est. Verbum illud, quo pascuntur Angeli sempiternum, manducauit homo; quia cum in forma Dei esset, non rapinam arbitratus est esse se aequalem Deo. Saginatur ergo illo Angeli: sed semetipsum exanimuit, ut manducaret panem Angelorum homo. Hæc

Psalm. 77.

M 5

eo loco.

eo loco. Quibus omnibus doctissimi sanctissimique

*Leo serm. 5. de
Natiuitate.*

Pontificis Leonis breuissima sententia iungenda est. Propter nostram, inquit, infirmitatem extenuauit se in capacibus sui, & velamine corporis splendorem sua maiestatis, quem visus hominum nō ferebat, obexit, vnde etiam exinanisse se dicitur, tanquam se propri virtute euacuauerit: dum in ea humilitate, in qua nobis consuluit, non solum Patre, sed etiam seipso factus est minor. Sic Leo. Denique & Lactantius Firmianus non minūs commodè quām breuiter: Idecirco mediator aduenit, id est, Deus in carne, ut caro eum sequ posset. Et rursum, Incorporeatus est, inquit, & ueste canis indutus, ut homini, ad quem docendum veneri virtutis exempla & incitamenta præberet. hæc ill cap. 25. & 26. libri de Sapientia.

CARV T. V.

Quānam ratione visibilis factus in homine Deus, auctoritatem sibi parauerit, & ad fidem dictorum, & ad factorum imitationem.

Et miraculis quidem, cùm homo esset, commodissimè est usus ad docēdām sapientiam. Cùm enim hæc percipi ab hominibus stultis, nisi crederet sapienti, non posset; ad faciendam autem fidem, auctoritate opus esset: hanc sibi grauissimam tum miraculis, tum sequētium multitudine, conciliauit. Et principio quidem miraculis, nam & hæc discipulorum multitudinem effecerunt: quæ deinceps ad magistri auctoritatem non mediocriter conduceret. Sola est, inquit Augustinus, auctoritas quæ commouet stultos ut ad sapientiam festinent, quamdiu intelligere sincera non possumus: auctoritate quidem decipi miserum est, sed certè miseri non moueri. Si enim Dei prouidentia non præsidet rebus humanis, nihil est de religione sagendum. Sin vera est species rerum omnium, quam profectò ex aliquo verissimæ pulchritudinis fonte manat

*Cap. 16. de
utilitate cre-
dendi.*